

आकाशवाणी

पैहले खास-खास खबरां:-

1. भारत ते इथोपिया ने दपकखी ते सांझे हिते सरबन्धी केई समझौतें पर दस्तख्त कीते न। प्रधानमंत्री नरेन्द्र मोदी अज्ज इथोपिया दी संसद गी सम्बोधित करंगन।
2. प्रधानमंत्री मोदी होरें गी भारत-इथोपिया च बेहतरी आहन्ने ते इक विश्व नेता दे रुपै च नेतृत्व लेई इथोपिया दा सब्भने शा बड्डा नागरिक सम्मान दिता गया ऐ।
3. इथोपिया ते जॉर्डन दा दौरा मुकम्मल करने दे बाद प्रधानमंत्री मोदी अज्ज संजा ओमान पुज्जगन।
4. विकसित भारत G-RAM-G बिल कल लोकसभा च पेश कीता गया- जेहड़ा ग्रामीण परोआरें लेई बरे च घट्टो-घट्ट 125 दिनें दे कम्म-रोजगार दी गारंटी दिंदा ऐ।
5. दक्खन-भारत दे दौरे पर गेदियां राष्ट्रपति द्रौपदी मुरमू होर अज्ज वेल्लूर दे स्वर्ण मंदर जाइयै मत्था टेकगन।
6. दिल्ली च हून वैध पलूशन सर्टिफिकेट दस्से विजन- पट्रोल पम्पें पर गड्डियें गी तेल नैई दिता जाग।
7. ते 19एं बरे कोला हेठली उम्मी दे एशिया कप च भारत-मलेशिया गी 315 रन्ज कन्नै रहाइयै सैमीफाईनल च पुज्जी गया ऐ।

India -Ethiopia

भारत ते इथोपिया नै संयुक्त राष्ट्र शांतिरक्षा अभियानें दी सिखलाई-सीमा शुल्क यानि कस्टम ड्यूटी सरबन्धि मामलें च सहयोग ते इथोपिया दे विदेश मंत्रालय च- डेटा सेंटर दी स्थापना सरबन्धि सहमती पत्रें पर दस्तख्त कीते। इन्हें समझौते कन्हें भारत ते इथोपिया बश्कार सरबन्धें गी नमीं ताकत ते रफ्तार थहोग। इन्हें समझौतें पर दस्तख्त प्रधानमंत्री नरेन्द्र मोदी ते इथोपिया दे प्रधानमंत्री डाक्टर Abiy अहमद अली हुंदी मजूदगी च कीते गे। प्रधानमंत्री नरेन्द्र मोदी जॉर्डन दा अपना दौरा मुकम्मल करियै कल संजा इथोपिया पुज्जे हे- जित्थे उन्दा शानदार स्वागत कीता गया हा। दौरे दौरान प्रधानमंत्री होरें गी इथोपिया दे सब्बनं दा बड्डे सम्मान- “द ग्रेट ऑनर ऑफ इथोपिया” कन्हें सम्मानित कीता गया। भारत ते इथोपिया दे सरबन्धें गी मजबूत करने ते इक कुल संसारी राजनेता दे रुपै मोदी हुंदे दूरदर्शी नेतृत्व लेई एह सम्मान इथोपिया दे प्रधानमंत्री डाक्टर Abiy अहमद अली होरें दिता। प्रधानमंत्री मोदी अज्ज इथोपिया दी संसद गी सम्बोधित करगंन।

<><><><><><>

PM -Oman

प्रधानमंत्री नरेन्द्र मोदी होर त्रंऊ देशें दी अपनी यात्रा दे खीरी गेड़ च जॉर्डन ते इथोपिया दी यात्रा मुकम्मल करने दे बाद- अज्ज संजा'लै ओमान पुज्जगंन। उं'दी एह यात्रा ओमान दे सुलतान Haitham बिन तारिक हुंदे चेचे साद्दे पर होआ'करदी ऐ। प्रधानमंत्री मोदी हुंदे कन्हें इक उच्ची सतह दा शिष्टमंडल बी

अज्ज ओमान पुज्जा करदा ऐ। इस यात्रा दौरान दौनें मुल्खे बशकार व्यापक आर्थिक भागीदारी समझौते पर दस्तख्त होने दी मेद जताई जा'रदी ऐ। ओमान च भारत दे राजदूत जी.वी श्रीनिवास होरें आकाशवाणी गी जानकारी दिती ऐ जे इस दौरान होर बी केंई महत्वपूर्ण समझौतें पर दस्तख्त होई सकदे न। उ'नें दस्सेया जे व्यापक आर्थिक भागीदारी समझौता भारत गी 2047 तगर इक विकसित राष्ट्र बनाने दे प्रधानमंत्री हुंदे नजरिए दे मताबक ऐ।

<><><><><><>

VB-GRAM Bill

विकसित भारत रोजगार और आजीविका मिशन ग्रामीण बिल VB-GRAM G बिल कल लोकसभा च पेश कीता गया। राई-बाई ते करसान कल्याण मंत्री शिवराज सिंह चौहान होरें जानकारी दिती ऐ जे ए'हदे च ग्रामीण परोआरें गी हर बरे घट्टो-घट्ट 125 दिनें दा कम्म-रोजगार दोआने दी गरंटी दिती गेदी ऐ। चौहान होरें आखेया जे महात्मा गांधी ग्रामीण समुदायें गी आत्म-निर्भर ते विकसित बनाने दे समर्थक हे ते इस्सै भावना दे मताबक मजूद बिल च गरीब कल्याण ते ग्रामीण विकास लेई वचनबद्धता पक्की कीती गेदी ऐ। उनें दस्सेया जे UPA सरकार नै मनरेगा योजना पर 2 लक्ख करोड़ रपे खर्च कीते हे- जिसलै जे एन.डी.ए नै कल्याणकारी योजनाएं पर साइडे 8 लक्ख करोड़ रपे कोला मती रकम खर्च करी दिती दी ऐ।

<><><><><><>

Prez -Visit

राष्ट्रपति द्रौपदी मुर्मू होर अज्ज दपैहरी मगरा हैदराबाद च सिकंदराबाद दे बोलारम स्थित राष्ट्रपति निलयम जागंन- जित्थे उन्दा 22 दिसम्बर तोड़ी रौहने दा कार्यक्रम ऐ। राष्ट्रपति मुर्मू 19 दिसम्बर गी राज्य लोक सेवा आयोग दे अध्यक्षे दे राष्ट्रीय सम्मेलन दा उदघाटन करंगन। ओ इस महीने दी 20 तरीक गी गाची बावली च ब्रह्मकुमारियें दे इक आयोजन च शामिल होगन। उंदी यात्रा गी ध्यानै च रखदे होई प्रशासन नै अलवाल ते गाची बावली च ड्रोन-पैरागलाइडर ते माइक्रो लाइट एयर क्राफ्टें दियें डोआरियें पर पाबंदी लाई दिती गई ऐ। उन्दा अज्ज वेल्लोर च श्री पुरम स्वर्ण मंदर च दर्शन ते आरती करने दा बी कार्यक्रम ऐ। राष्ट्रपति होर कर्नाटक- तमिनाडू ते तेलंगना दे इक हफ्ते दे दौरे पर न।

<><><><><><><><>

HM -Disaster Fund

गृहमंत्री अमित शाह हुंदी प्रधानता तैहत लाई गेदी इक उच्ची सतह दी बैठक दरान 20एं राज्यें च पंचैती राज संस्थानें आपदाएं दे जोखिम घट्ट करने आली समुदाय आधारित पैहलकदमियें लेई- राष्ट्री परियोजना गितै 507 करोड़ रुपें शा मते मंजूर कीते। 20 राज्यें दे 81 जिलें गी इस कार्यक्रम दे दायरे हेठ आहनेया जाहग। मंत्रालय मूजब एह रकम केन्द्र सरकार आसेया SDRF च राज्यें गी पैहले दिती गेदी रकम दे इलावा ऐ।

<><><><><><><><>

Delhi -Petrol

दिल्ली च बधदे प्रदूषण पर काबू करने लेई कीते जा'रदे सख्त हीलें तैहत कल 18 दिसम्बर थमां पेट्रोल पम्पें पर इक वैध पाल्यूशन अंडर कंट्रोल सर्टीफिकेट दस्से विजन पट्रोल जां डीलर नेंई थोग। पेट्रोल पम्पें गी बी एह जिम्मेदारी दिती ऐ जे ओ एह सर्टिफिकेट चैक करन ते एहदे नेंई होने पर पेट्रोल जां डीजल ग्राहक गी नेंई दिता जा। एह कदम सरकार नै ब्हा दे मयार च सुधार आहन्ने दी मंशा कन्नै लैता ऐ। जारी निर्देश मुजब पेट्रोल पम्प कैमरें ते सिस्टम दे राएं एह जांच करगंन जे गड्डी दा पलूशन सर्टिफिकेट जायज ऐ कि नेंई। गड्डी चालकें गी बी सलाह दिती गेई ऐ जे ओ विजन खुंजें अपनी गड्डी दी प्रदूषण जांच कराइयै वैध पलूशन सर्टिफिकेट अपने कन्नै रक्खन।

<><><><><><>

India –SA Cricket

मर्दे दे टी-20 क्रिकेट च भारत ते दक्खन-अफ्रीका बश्कार 5 टी-20 मैचें दी श्रृंखला दा चौथा मैच अज्ज लखनऊ दे “भारत रत्न श्री अटल बिहारी वाजपेयी एकाना क्रिकेट स्टेडियम” च खेडेया जाहग। मैच संज्ञा 7 बजे थमां शुरु होग। 5 टी-20 मैचें दी इस श्रृंखला च भारत फिलहाल 2-1 कन्नै अगगे ऐ।

<><><><><><>

Cricket

भारत नै 19एं बरे शा हेठली उम्मी दे जागतें दी अंडर-19 एशिया कप -2025 क्रिकेट प्रतियोगिता दे कल दुबई च खेड्डे गेदे मुकाले च मलेशिया गी 315 रन्जें नै हराइयै सैमीफाईनल च अपनी थाहर पक्की करी लैती ऐ। भारत नै पैहली

बल्लेबाजी करदे होई 50एं ओवरें च 7 विकटां मुहाड़यै 408 रन्ज बनाए। भारत लेई अभिज्ञान कुंदु नै 125एं गेदें च नाबाद 209 रन्ज बनाए- जिसले के वेदांत त्रिवेदी नै 90 रन्जे दा जोगदान दिता। 409 रन्जें दे लक्ष्य दा पिच्छा करदे होई मलेशिया दी पूरी टीम 32 ओवरें ते इक गेंद च छड़े 93 रन्ज बनाड़यै गै आऊट होई गेई।

<><><><><><>

Nabin Meet

भारती जनता पार्टी दे राश्ट्री कार्यवाहक अध्यक्ष नितिन नबीन होरें कल राश्ट्री राजधानी च केन्द्री मंत्रियें ते पार्टी दे वरिष्ठ नेताएं कन्नै मलाटी कीती। उनें जेहड़े वरिष्ठ नेताएं कन्नै मुलाकात कीती- उन्दे च लाल कृष्ण आडवाणी- केन्द्री मंत्री अमित शाह- नितिन गडकरी ते भूपेन्द्र यादव शामिल न।

<><><><><><>